



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Verna - A Dominica Septuagesimæ, ad Dominicam SS. Trinitatis

Haineuve, Julien

Coloniæ Agrippinæ, 1665

Feria 5. Quatuor dimensiones Christi crucis & nostræ. Qui à cruce suas
tollit dimensiones, tollit à se suam crucem.

urn:nbn:de:hbz:466:1-44214

illius non est sanitas: Id est, non potest ita sanari, quin semper sanari possit perfectius, dolendo & gemendo propterea non tam timore pœnæ quam amore Dei, sicut de se ait sanctus Augustinus, *Amore amoris tui facio istud, recolens vias meas nequissimas in amaritudine recogitationis mee, ut dulcescat mihi dulcedo non fallax, dulcedo foelix & secura.*

Atque ut id ipsum unusquisque constanter observet, sic idem alibi: *Nunquam credat sufficere, semper coram Domino, ante quem peccavit, erubescat: dolorem cum vita finiat: ubi dolor finitur, deficit pœnitentia: ubi deficit pœnitentia,*

13.

& ibi venia. Vade & jam noli peccare: hoc est pœnitere: Hinc ergo semper doleat, & de dolore gaudeat, & non semper doluisse doleat. O quale gaudium sic semper posse dolere; sic verè possibile dicere cum Psalmista, Defecit in dolore vita mea, & anni mei in gemitibus. Fœlices gemitus, in quibus anni deficiunt: fœlices anni qui non nisi deficiunt in dolore & in gemitibus.

Vide in 1. parte, Feria 3. hebdomada 4. post Epiphaniam, de rationabili sollicitudine pro peccatis remisiss.

PRO EADEM FERIA QVADRAGESIMALI.

Ad Evangelium, *Quousque animam nostram tollis? Si tu es Christus, dic nobis palam. Respondit eis Iesus, loquor vobis & non creditis. Ioan. 10.*

Qui cum affectu in composito Deum consultit, non Deum, sed Deo consultit.

Quasi vellet Deum sibi solum placentia respondere. In hac 2. parte, Feria 4. Pentecostes.

VOS non creditis, quia non estis ex ovibus meis. Quæ causa est, cur pauci salvi sint, hæc in te causa est, cur ex illis forte non sis.

In hac 2. parte, Dominica Septuag. Vide & in 3. die 25. Iuni.

OVES mea vocem meam audiunt: & ego cognosco eas, & sequuntur me.

Sicut discursum mentis statim sequi debet

affectus, ita & affectum effectus.

In 1. parte, die 29. Decembris.

Tantum abest, quod, qui sunt verè liberi, non se subjiciant: ut non sint aliter verè liberi, nisi se subjiciant.

In 4. parte, Sabbato hebdomada 15.

Sicut Imaginem aut faciem Christi, sic ejus vocem fidelis anima reveretur.

In 4. parte, Sabbato hebdomada 21. qua pœnitentia est de hac similitudine pastoris & ovium, ex eisdem Christi verbis.

FERIA QVINTA. QVATVOR DIMENSIONES CHRISTI Crucis & nostræ.

Et venerunt in locum, qui dicitur Golgotha, quod est Calvaria locus. Matth. 27.

Huius rei gratia, flecto genua mea ad Patrem Domini nostri Iesu Christi, ut possitis comprehendere cum omnibus Sanctis, quæ sit latitudo, & longitudo, & sublimitas, & profundum. Ephes. 3.

VERITAS

VERITAS PRACTICA.

Qui à Cruce, suas tollit Dimensiones, tollit à se suam Crucem.

RATIO EST, Quia qui tollit à se Crucem, qua post Christum cuique ferenda est, tollit à se suam Crucem.

Sed qui à Cruce, suas tollit dimensiones, tollit à se Crucem, qua post Christum ferenda est.

Ergo tollit à se suam Crucem; Ac proinde illi maledictio subjicitur, quod intencat Christus Dominus dicens? Qui non accipit Crucem suam & sequitur me, non est me dignus.

I. PUNCTUM.

Confesso monte Calvariae, Crux in terram demittitur, locus eminentior montis deligitur ubi illa insigatur; Clavi, funes, malleus, caeteraque instrumenta supplicii educuntur; Quid verò interim bonus Iesus? Stabat videlicet cum illis duobus nequam, qui simul ducti sunt ut interficerentur, stabat ligatus velut illi, apparebat nequā & Reus velut illi, parabatur Cruci affigendus ut illi: sed tamē quā longē ab illis alius esset, tu tecum ipse recogita. Credibile autem est & cogitatu piissimum, oculos tunc in Crucem humi jacentem habuisse defixos, atque illi tūm, quod postea discipulus Andreas, animo etiā laetiori dixisse, *o bona Crux diu desiderata, & jam concupiscenti animo preparata, securus & gaudens ad te venio;* Tum considerando singulas eius dimensiones sic à Patre dispositas, *Etiā pater! quia sic placitum fuit ante te;* Illam accepto sua in latitudine paratus pati quaecunque volueris; Illam amplector sua in longitudine, tam diu passurus quā permiseris; Illam suscipio, sua in sublimitate & profunditate, tam excelso & humili animo toleraturus omnia, quā cognosco te velle à filio, & quā filius tibi potest exhibere!

Haec sunt quatuor Crucis Christi dimensiones, de quibus Apostolus, & in his resurgere dicitur Crucis mysterium, quia sic nostra Crux suas etiā debet habere dimensiones; aut non erit illa Crux, quā jubemur quotidie ferre post Christum, & in qua cum ipso affigendi sumus. *Qua merito ferri unicuique*

suadetur, ait S. Leo, quia propriis modis atque Serm. 9^o mensuris ab unoquoque toleratur. Hinc orta de Quadr. Veritas, Quod qui à Cruce, suas tollit dimensiones, tollit à se suam Crucem. Quia videlicet tollit illam Crucem, quae est ferenda post Christum, & quam qui non accipit, non est Christo dignus, non potest dici Christum sequi neque Eius esse. Non enim omnes qui ferunt Crucem, Crucem ferunt post Christum, nec sequuntur illum. Sunt multae Cruces inutiles, imò etiam sunt malae Cruces & perverae, quas quicumque portant, tam longè distant à Christo, quā à bonitate malitia, & à rectitudine perveritas.

Cruces inutiles sunt labor ille inutilis & cassa sollicitudo mentis, quā laborat homo sub sole & quam ita deplorat Sapiens, ut penè totus sit Ecclesiastes in ea deploranda.

Eccle. 7.

Malae autem & perverae, sunt illae viae difficiles quas impij ambulaverunt, & est via iniquitatis in qua lassati sunt, ut ipsi clamant in inferno. Quantumcunque enim vitium placeat, suas tamen habet molestias, & ipsa est

Sap. 5.

ambitio Crux ambientium, ut ait sanctus Bernardus. Quis autem sanus putet ambitiosum ferre suam Crucem post Christum Dominum? Cur ita porro, nisi quia non est illa Crux, quā post se ferendam iussit Christus: non est illa Crux quae sequimur Christum, non est illa Crux quae nos Christi similes facit. Ac proinde sicut ille solus verè dici potest ferre suam Crucem, qui fert illam Crucem quā Christus ferendam voluit; sic planè, hanc qui non tollit, non tollit suam Crucem, seu quod idem est, tollit à se suam Crucem, non vult pati quantum necesse est ad salutem, aut ad certum perfectionis gradum quo à Christo vocatur, licet alia quaedam patiatur. Non poena, sed causa, & modus patiendi S. August. martyrem facit.

Lib. 3. de

Consid.

c. 1.

II. PUNCTUM.

SED qui à Cruce, suas tollit dimensiones, tollit à se Crucem, qua post Christum ferenda est.

Tollit nempe similitudinem suae Crucis cum Cruce Christi. Quae ut manifestius pateant, expendenda sunt accuratius illae Crucis mysticae dimensiones, & tibi applicandae.

Latitudo Crucis est, quidquid ex divina ordinatione patiendum est; O quae & quanta Christus in toto Corpore, in bonis, in honore, & uni-

& uni-

& universim in omnibus! Itane verò tu omnia? Si quid desit quod non patiaris, tantum de latitudine tuæ Crucis deest & tantum de ejus similitudine.

Longitudo Crucis est, tam diu constanter pati omnia, quam durat occasio patiendi; sic Christus in Cruce per tres horas, sic ab horto ad Crucem: Imò sic à primo vitæ ortu usque ad mortem semper constantissime passus. Tu verò quàm facile resilis, quàm parum duras patiendo, sicque non imple mensuram longitudinis! Nunquam deest tribulatio persecutionis, si nunquam deest observantia pietatis, Totius est temporis Crucem ferre, ait S. Leo.

Sublimitas & profundum Crucis est Charitas & Humilitas simul juncta in animo patientis; Sic Christus ex ipsa Charitate, qua diligebat Patrem, diligebat Crucem, & in hac sublimi dilectione patiebatur. Tam profunda verò ejus humilitas, ut exinanitio jure dicatur, quo verbo nihil aptius est ad rem exprimendam.

Adverte autem has duas Virtutes sic mutuo à se pendere, ut quò sublimior erit Charitas, eò sit profundior humilitas; & quo profundior humilitas, eo etiam crescere & apparere sublimiorem Charitatem; Unde tu, qui humilitate præsertim desicis, & nunquam te satis dignum tuis te pœnis judicas, quando aliunde quàm à te proveniunt, timere certè debes, ne debita etiam Charitate desis; Nam si, ut debes & ut potes cum Gratia, Deum diligeres, sic Eum doleres à te aliquando fuisse offensum, ut nunquam satis humiliari & pati posse crederes ad aliquam Divinæ Justitiæ satisfactionem exhibendam: diceresque quod est in libro Iob, peccavi, & verè deliqui, & ut eram dignus, non recepi.

Ex quibus tandem patet, quod, qui à Cruce suas tollit dimensiones, tollit à se Crucem, quæ post Christum est ferenda, quia nō Eum

imitatur, neque sicut ille passus est patitur; quia non quantum, nec ex quanto vult Deus, aut quam diu illi ordinatur, quod est manifestè deficere ab Imitatione & exemplo Christi, qui omnia plenissimè contumnavit. *Mul- Phil. 3.*
ti ambulavit, quos sæpe dicebam vobis, nunc autem & stans dico, inimicos Crucis Christi.

III. PUNCTUM.

Harum ergo defectu dimensionum cum sua Crux unicuique deficiat, quid sequitur, nisi *Qui à Cruce suas illas tollit dimensiones, tollit à se Crucem suam; tollit à se decus suum, tollit à se salutis suæ tesseram, tollit à se omne bonum: nam in Cruce totum constat, & in moriendo totum jacet.* Vide illud Divinum caput libri primi de regia via sanctæ Crucis. Et licet nullus Sanctorum tam perfectè passus sit sicut Christus, satis tamen perfectè passi sunt, si suæ Crucis dimensiones cumulatè compleverint; Satis autem cumulatè compleverunt, si omnia sibi patienda, licet non quanta Christus, tolerarint, si tam diu sustinuerint, quàm sustinendum illis fuit, licet non tam diuturno tempore quàm ipsi Christo patiendum fuit; si denique ex toto corde suo, licet cor eorum non fuerit tam sublime aut humile quàm Cor Christi. Sic Apostolus mensuram suæ Crucis implevit, cum illa passus est quæ Corinthiis commemorat: *Secundum mensuram, inquit, qua mensus est nobis Deus, sic nos vellet Imitatores sui esse, sicut ille est Christi.* Alioquin cave istud, *Tanta passus estis Gal. 3. sine causa.* Itemque illud longè gravius, *Scio Apost. 3. opera tua, quia nomen habes quod vivas, & mortuus es, Esto vigilans & confirma cetera qua moritura erant. Non enim invenio opera tua plena coram Deo meo. In mente ergo habet qualiter acceperis & audieris, & serva, & pœnitentiæ age.*

PRO EADEM FERIA QVADRAGESIMALI.

Ad Evangelium, de muliere peccatrice, seu Magdalena pœnitente. Luc. 7.

DE hac tam multæ suo loco producantur Veritates Practicæ, ut sit longius hic eas referre.

In 3. parte, Feria 4. hebdomada 7. & die 22. Julii.

Adjungi verò possunt nonnullæ aliæ, quæ ad pœnitentiæ & Conversionem spectant.

Licet omni peccatori sit necessariò pœnitentiæ,